

B. N. C.
FIRENZE
1106
8



1106.8

1106
8



AI

MI MI
ILL. ET EXCELL. D.
**D. GEORGII
OSSOLINII,**

Domini in Ossolino, Comitum de Thenzyn, Thesaurariorum
Curiae Regni Poloniae, Praefecti Bidgostiensis,
Ricensis, Adzelensis, &c.

O R A T I O


Habita ab eodem Illustriss. & Excellentiss. D. Romae in
Aula Regia Vaticana sexta Decemb. M. DC. XXXIII.

*Cum Serenissimi, ac Potentissimi VLADISLAI Quarti Regis
Poloniae, & Suetiae, Electi Magni Moscorum Ducis, nomine
S. D. N. VRBANO VIII. Pontifici Maximo
obedientiam prestaret.*

A DOMINICO RONCALLIO PROTHON. APOST.
Sacrae Regiae Maiestatis Secretario in lucem edita.

*Atq; Illustriss. & Excellentiss. D. D. GASPARI DE DONOFF
Sacri Romani Imperii Comiti Palatino Derpatensi, Praefecto Vi-
l-nensi, Layscensi, Boleslaviensi, Radomscensi, &c.*

D I C A T A.



ROMAE, *apud Franciscum Caballam.* M. DC. XXXIII.

SUPERIORVM PERMISSV.

Si vendone in Piazza Nauona nella bottega di Maurizio Bona.

ILLVSTRISIME

^{E T}
EXCELLENTISS.

D. D. Colendissime.



MILITAREM liberæ gen-
tis fortitudinem iure meri-
tò firmat, ac regit rarum be-
nè, & appositè dicentis elo-
quium. Hinc olim Roma-
na Respub, tunc demùm me-
lius, ac sæpius triumphare
visa, cum Senatores non minus in Senatu, quàm
in Castris habuit eloquentissimos. Hinc diuer-
sa liberè consulentium vota, hinc infractus mi-
litum ardor pronus ad arma coalescit in vnum,
ac ferreas hostium acies perrumpit inuictus.
Agreste olim, ac liberum hominum genus, non
nisi per eloquentiam in campum exitum, di-
serto Principi colla subiecit, vt sese non homi-
nis, sed solius facundiæ mancipium, ac seruum
fateretur. Ita & nunc planè Romanæ par Po-
lonorum crescit Respub, quæ viros alit, non
minus robore, ac prudentia, quam eloquio
florentissimos. Inter hos merito admirata est

11

nuper Roma Illustrissimum, & Excellentissimum D. Comitem GEORGIUM OSSOLINIVM Regium ad VRBANVM Pontificum Maximum Oratorem, quo, amore plusquam fraterno Illustrissimæ Celsitudini Tuæ coniuncto, nil habes in mundo charius, nil ad memoriam gratius, nil ad aspectum iucundius. Vidisses in illo sacro Summi Pontificis, ac Purpuratorum Patrum confessu vniuersos penè arri-gentes aures, oculosque beneuola admiratione immotos. Vidisses, omnes ab vnica bene persuadentis voce, ab vno tanta rerum, ac maiestate verborum, tanta vi, spirituque dicentis, ore pendere. Nempè deerat hoc solum immortali, quam hic in cæteris sibi peperit gloriæ, vt quem Sanctissimus Pater, quem Roma insolita pompa propè triumphantem est amplexata, quem vnici titulo venerata est, disertissimum, ac facundissimum diceret, ac parem ipsius facundiæ sapientiam, parem eloquio fortitudinem admiraretur. Certè in omnium ore est; atque vnica voce tot Heroicæ vnus viri dotes prædicantur. Incredibili gaudio perfunderetur Illustrissima Celsitudo Tua, si, quem animo contemplaris, hic oculis aspiceres. Propterea, vt saltem muta redeat in Poloniam,

quæ hic tantorum Virorum mirificè demulsit
aures, eloquentia, ad te typis impressam re-
mitto, vt ex ipsa demùm lectione, tanti Amici
glòria recreeris abundè. Tu, qui nuper vni-
cum humanæ fabulæ exemplam, lubricum Au-
læ statum felicissimè emensus, triginta anno-
rum spatio, primum in Regia gratia locum te-
nuisti, fortiter, ac sapienter; ac penè expi-
rantem Principem, oculis, manuque deficienti-
tis Spiritus, simulque perpetuo remanentis er-
gà te amoris signa, nutusque exprimentem in
tàm inuido sæculo vidisti. Perge tandem, ac
gloriæ fructus Propinquiorum tuorum sangui-
ne, tam fortiter, tum in Dacia, tum in Prus-
sia, tum in Liuonia, ac Moscouia effuso, irriga-
tos, in tam benigna Republ. continuò foelici-
ter recollige, ac me demùm Tibi perpetuo de-
uotum, vt soles, complectere. Romæ quar-
to Idus Decembris 1633.

Ill.^{mæ} Celsitudinis Tuæ

Humillimus, deuotus, ac perpétuus
seruus, & cliens

Dominicus Roncallius Sac. Reg. Maiest. Sec.



ORATIO.




ENIT iterum Romam Vladislavus;
 Pater Beatissime, & qui nuper Barba-
 ricis ornatus laureis, ad tuos pedes ve-
 nerabundus iacuit, is hodierna die tripli-
 cinctus diademate, ante hanc Aposto-
 licam Sedem Tuam, per me Oratorem
 suum supplex procumbit. Vladislavus,
 Inquam, Poloniæ, & Suetiæ Rex, ac
 Magnus Moscorum Dux, qui antequam
 regnaret, Regum, ac Regnorum Ty-
 rannos debellavit; qui Romam trium-
 phator sine triumpho ingressus, pia vota, & Pontificiorum Pedum
 oscula triumphalibus prætulit; qui cum videri, noscique maximè
 nollet, Urbis, & Orbis oculos in se convertit; qui nova Tyberim,
 felicitate beavit, cum citrà Rhenum fluere solitum, invidiâ dextera,
 ultra Tyram, ac Boristhenem traxit; qui denique desertori Popu-
 lo, Græcum Constantinianæ donationis diploma è superba Gaza,
 eripuit, tamquam pro Romano Pontifice pugnasset, cui Romam,
 hostium etiam spolijs, asseruit. De hoc tali, ac tanto Principe Tibi
 Pater Beatissime, non in cunis, sed in ipso gloriæ, ac rerum gestarum
 fastigio, non fama, sed aspectu, ac familiaritate noto, quid in hoc
 amplissimo Orbis Theatro asseram, haud reperio. Iam enim Olim,
 sapientissimo Tuo iudicio omnes eius penetraſti, ac percuſiſti vir-
 tutes, easque uti probè cognitas, quæ liberæ gentis sceptrâ mode-
 rentur, dignas iudicaſti, cum non ita pridem Vladislavum unum esse,
 qui Polonis imperare, queat, solemnî commendatione asseruiſti.
 Huc ergo potius mea deſſeſſat Oratio, ut quos, qualesque Populos
 Tibi, Sanctæque Sedi Tux supplices Rex noster secum offerat, de-
 cla-

clarem. quod dum exequor, Pater Beatissime, Paterno affectu fa-
uebis filij, Pontificatus tui natu minimi, gloriosis conatibus. So-
lemne enim Patrum est, eorum gestis potissimum recreari, quos re-
centiori, siue lucis, siue gloriæ partu Orbi ediderint. Quidcumque
ergo gentium Septentrio tegit, quam latè à Carpathijs Montibus ad
Caspium Mare, à glaciali Oceano ad Pontum Euxinum patet Euro-
pa, totum id genuflectente Vladislao, ante Thronum tuum proster-
ni tur, Pater Beatissime. Omnes enim illæ gentes, aut liberis suffragijs
eum sibi Regem dixerunt, aut hæreditario iure, licet refragæ, ad eius
spectant Maiestatem; aut denique armis subactæ Dominum recogno-
scunt. Sed primum meritò locum obtinet Polonia, quæ ut Prin-
cipibus suis liberè paret, ita Religionem, & Sacra nulla vi, nullo me-
tu adacta colit. Illa, illa Sarmatia, Romanorum armis imperua,
Romanæ Religionis mancipata, Illa, tot olim superstitionum alitrix,
nunc vnus Dei serua, illa libertatis custos acerrima, nullius iugum
experta Romanis Pontificibus, eorumque Sedi Apostolicæ obsequen-
tissima. Polonia, inquam, quæ sola monstra non parit, Nulla inde hæ-
resis, nullum scisma, & si qui vicinarum gentium peste afflati, acer-
rimo legum supplicio, & perpetuæ infamiæ nota, à reliquæ nobili-
tatis corpore rescinduntur. Si quis legem, Vladislao Jagellone Re-
ge latam, totius Nobilitatis, patrio more, consensu firmatam, le-
gerit, fatebitur, nullius Concilij anathema acrius hæresim per strin-
xisse. Et quamuis iniquitati temporum, amorique consanguineo ali-
quid induxisse videamur, non tamen, legem abrogari, vnquam passi-
sumus, nec patiemur, testaturi posteritati, nos legum, Patriæque
salutem, vnus Religionis integritate firmare. Hoc ipso lugubri nu-
per Reipub. nostræ Statu, cum Sigismundum Regem, viuam pie-
tatis, Religionisque imaginem, Cælo receptam, terris ereptam,
planximus, vidisses, Pater Beatissime, illis ipsis centuriatis Comi-
tij, Senatum, Populumque Polonum magis pro Religione aduersus
conciues suos, dira hæreti corruptos, certantem, quam de commu-
ni Patriæ salute, aut de futuri Principis electione sollicitum. Aequa-
uit feruor Procerum curam Antistitem, eorumque, & Tui Apostolici
Nuncij solemnes exciuit gratiarum actiones. Innatum scilicet genti
Polonæ auitæ Religionis Studium. Hinc illa erga Sacrorum Præfides
obseruantia, quæ eis prima in Senatu Subsellia detulit, & præcipuas
Reipublicæ partes curare iussit. Tacebo prodigam, ut ita dicam,
in Templorum ædificia, ac ornamenta liberalitatem: Omitтам
cultum Numinis, & sacrorum feruentissimum; hæc enim omnia ita
se habere Orbis consensus asserit. Animorum certè eius gentis Ma-
gnitudinem, vel inde colligere licet, quod à tot sæculis aduersus fe-
ros,

ros, & immanes nominis Christiani hostes excubent; nec statione m-
 deserant. Ottomanorum signa, quæ tot Acies, tot Vrbes validas
 expugnarunt, tot Montium claustra penetrarunt, Fluminumque
 impetus superarunt, tot Christianorum copias fuderunt, nuda Po-
 lonorum pectora steterunt, & ne patentes, ac peruios ingrediantur
 Campos, hucusque prohibuerunt. Scythicam pernicitatem, ne vni-
 uersam, quæqua versus, peruagetur Europam, vnica Reipub nostræ mo-
 ratur Prouincia. Moscos solo nomine Christianos, re, & moribus
 quibusuis barbaris execrabiliores, toties vicimus, fudimus, & de-
 mum nobilissimam eius Regionis partem in Prouinciam redegimus.
 Hæc omnia summa animi Magnitudine, ac prorsus Romana stete-
 runt. Parentauimus siquidem antiquæ Vrbi, Maiorum nostrorum,
 ferocia lætæ, cum in eius mores, & instituta transuimus: Hinc li-
 bertatis studium, hinc æqui, iuris, ac legum amor; hinc masculæ
 frugalitatis exempla, nil in moribus, nil in habitu corporis molles,
 vel effeminatum, nil acui pictum. Iuuentus prætextam, non in Cy-
 tharæ dorum gymnasijs, sed intra castra deponit. Equitibus rura,
 paterna colere haud pudendum, nè vrbani enervati delictijs, bello
 fiant ineptiores. Humiles domos plerumque habitant: sed excelsos
 animos fouent; non Propugnaculorum, non Pontis Sublicij: sed
 legum, & innocentie præsidio tuti. Neque verò hanc Magnanimi-
 tatem, ferociam quispiam dixerit. Cicurarunt Sarmaticam, si quæ
 fuit feritatem, Religio, & Musæ latinæ. Hæc vbi è Septentrione,
 deuolutæ gentes Latio mouerunt (credo equidem) castra secutas,
 eique vitæ assuetas, Heliconi suo propè vltimum vale dixisse. Gen-
 tem prolektio nostram adeo sibi manciparunt, vt sine earum præsi-
 dio, & ornamento militarem gloriâ minus gloriosam æstiment.
 Et merito: earum enim beneficio libera Nobilium capita de se ipsis
 decernunt magno Nobilitatis ornamento. Neque à scholarum ca-
 thedri interpretes petimus, latino fieri eloquio, quod vna cum
 moribus, & institutis in partem gloriæ nostræ lubentes assumpsi-
 mus. Talis itaque, & tanta Polonia ad Tuos Pedes prima procum-
 bit, Pater Beatissime, illud collum, nullius vnquam iugum ferre so-
 litum, illas manus liberas, illum animum excelsum, & ad imperan-
 dum natum, Regis sui exemplo, Maiorum instituto, Tibi submittit.
 Tuis auspicijs se Vladislauum Regem dixisse, ac proinde eum Tibi de-
 bere profitetur. Tu enim tutelares Diuos Primum, ac Felicianum
 Roma discessuro, in Sacris tineribus tribuisti, non sine Pontificio o-
 mine, eum primum Regum nostrorum fore, qui sine æmulo; felicis-
 simum, qui coniunctissimis tam populosa gentis animis, & suffra-
 gijs Rex diceretur. Tuis ergo auspicijs Pontificum Maxime habet
 Vla-

Vladislaus Polonia, Vladislaus Poloniam, Tu utrumque Habebis,
Deo fuente, Vladislai iniuncta dextera tandem aliquando Tibi, San-
ctæque Sedi Tux mansuetos Scandicos rebelles leones. Habebis, &
desertores communis Pastoris ad Tuum ouile propè diem reduces.
Exiuit etenim, Pater Sanctæ, filius hic Tuus, non ætate, & meritis, aut
maiestate, sed capessitæ Regiæ dignitatis tempore minimus ad vena-
tionem, ut te satiet, famemque tuam impleat, auidam gloriæ Sum-
mi Dei, inde longæui auspiciaturus primordia Imperij, vnde Cœli,
& Ecclesiæ ruinas sperat reparandas. Erige hanc Tuam dexteram
Pontifex Optime Maxime, qua nescio quo turbine motum parè-
ruentem Orbem retines summo huius sæculi bono dudum destinatus,
& sancta benedictione proseguere tam chari pignoris pios conatus.
Excitabuntur hoc præclaro exemplo reliqui Christianorum Princi-
pes, & postpositis perniciosis eorum nomini, & gloriæ odijs, illuc
arma conuercent, quò nefarij Imperiorum prædonis libido, iam tan-
dem vindicanda, vocat, Vladislaus certè Rex, uti nunc se, Regna-
que, & arma sua Sanctitati Tux tradit, obedientiam præstat, nec se
ab huius Sanctæ Sedis auctoritate, & obseruantia, vnquam discessu-
rum, profectur: Ita Te Duce, Te auspice paratus semper erit
Christianorum Aquilas, notis sibi itineribus non sequi, sed præire.

F I N I S.



1106. v

99 960330

1106.3





